

# IBhayibheli LaBantwana Likulethela



Amadoda  
Ayengagobi



Ibhalwe ngu: Edward Hughes

Kwabonakala ngu: Jonathan Hay; Alastair P.

Ifanekiswe ngu: Mary-Anne S.

Itolikwe ngu: Goodwill Sithembiso Gwala

Ikhqiqizwe ngu: Bible for Children

[www.M1914.org](http://www.M1914.org)

©2022 Bible for Children, Inc.

iLayisensi: Abantu bangazithathela noma bephrinte izinto kulendaba egunyazwe ngokomthetho kodwa akumele bazidayise.




INkosi uNebukadinesari yakha isithombe esikhulu segolide. Kwakuyigolide, kusukela ekhanda kuye ezinyaweni. Mhlawumbe inkosi yayikhohlwe iphupho uNkulunkulu alithumela ukuba liyitshela ukuthi umbuso wayo wegolide wawungeke uhlale unomphela. Mhlawumbe wayecabanga ukuthi uma akha isithombe esenziwe ngegolide ngokuphelele, khona-ke iZwi likaNkulunkulu ephusheni lakhe lalingeke ligcwaliseke.



Enye yezinceku zenkosi zafundela bonke abantu umyalo othi: "... niyowela phansi nikhuleke esithombeni segolide ... Futhi noma ubani ongawiphansi akhuleke uyophonswa phakathi kwesithando somlilo esivuthayo."



Wonke umuntu wenza njengokuyala kwenkosi -  
ngaphandle kwamadoda amathathu. La madoda  
ayengamaHebheru. KwakungoShadiraki, uMeshaki  
no-Abhedinego, abangane bakaDaniyeli.  
Kubonakala sengathi uDaniyeli  
wayengekho ngaleso  
sikhathi, ngoba  
naye wayengeke  
avume  
ukukhulekela  
isithombe  
esenziwe umuntu.



Izazi zenkosi zaba nomona ngoDaniyeli nabangane bakhe ngoba inkosi yayibathanda. Ngakho bathi: "Kukhona amadoda amathathu owamisile ukuba ababusi phezu kwesifunda saseBhabhiloni, oShadiraki, uMeshaki, no-Abedinego. Lawa madoda, nkosi, awakulaleli, awabakhonzi onkulunkulu bakho, futhi awakhulekeli isithombe segolide osimisile."





Inkosi uNebukadinesari  
yagcwala ukufutheka.  
Wabaxwayisa, "Uma  
ningakhuleki,  
niyophonswa phakathi  
kwesithando somlilo  
ovuthayo. Futhi yimuphi  
unkulunkulu oyonikhulula  
esandleni sami?"



Inkosi yenza iphutha elikhulu. Ngempela wayebekela uNkulunkulu ophilayo inselele. Amadoda amathathu angamaHebheru ayazi ukuthi kwakungqubuzana nomthetho kaNkulunkulu ukukhulekela isithombe. Basala bemile. Ngenxa yokuthi babemethemba uNkulunkulu, babengayesabi inkosi.







Lawa madoda amathathu anesibindi ayenempendulo enkosini. Bathi, "UNkulunkulu wethu esimkhonzayo unamandla okusikhulula esithandweni somlilo ovuthayo. Kepha uma kungenjalo, makwazeke kuwe, nkosi, ukuthi asiyikukhonza onkulunkulu bakho, singakhuleki esithombeni segolide osimisile."



INkosi  
uNebukadinesari  
yathukuthela yagana  
unwabu! Wayala  
ukuba bashise iziko  
ngokuphindwe  
kasikhombisa  
kunokuvamile. Noma  
kunjalo amadoda  
awazange aguqe.



Inkosi yayala amadoda  
anamandla  
ebuthweni  
lakhe ukuba  
abophe



oShadiraki, noMeshaki,  
no-Abhedinego, abaphonse  
esithandweni somlilo ovuthayo.



Isithando somlilo  
sasishisa kakhulu  
kangangokuthi  
amadoda aponsa  
uShadiraki, uMeshaki  
no-Abhedinego  
emlilweni abulawa  
ukushisa.



Inkosi yabukela ikude. Yabona amadoda amathathu ephonswa phakathi kwesithando somlilo ovuthayo. Kodwa akukona kuphela lokho akubona.



INkosi uNebukadinesari yamangala!

"Asiphonsanga amadoda amathathu eboshiwe phakathi komlilo na?"

wabuza abasizi bakhe.

"Yebo," baphendula.

Wathi, "Bheka, ngibona amadoda amane

ekhululekile

ehamba

phakathi komlilo,

awalimalanga,

neyesine ifana

neNdodana

kaNkulunkulu."



Yasondela ngasemnyango wesithando somlilo ovuthayo, inkosi yamemeza, yathi, "Shadiraki, noMeshaki, no-Abhedinego, zinceku zikaNkulunkulu oPhezukonke, phumani!" Base bephuma oShadiraki, noMeshaki, no-Abhedinego esithandweni somlilo.



Wonke umuntu wabuthana futhi wahlola amaHebheru amathathu. Babebonile ukuthi umlilo wawungenawo amandla okubashisa. Izinwele zabo azishile, nezingubo zabo azishile; kwakungekho ngisho nephunga lomlilo phezu kwabo.





Lapho iqaphela okwenzekile, iNkosi uNebukhadinezari yenza into ehlakaniphe kakhulu. Wakhuleka wathi, "Makabongwe uNkulunkulu kaShadiraki, uMeshaki, no-Abhedinego othumele ingelosi yakhe wakhulula izinceku zakhe ezithembele kuye."



Amadoda Ayengagobi

Indaba evela kwiZwi laNkulunkulu, iBhayibheli,

Itholakala

Daniyeli 3

"Ukwambulwa kwaMazwi Akho kuyakhanyisa."  
AmaHubo 119:130



Yaphela



Lendaba yeBhayibheli isitshela ngoNkulunkulu wethu uyisimanga owasidala futhi ofuna ukuthi wena wazane Naye.

UNkulunkulu uyazi ukuthi senze izinto ezimbi, Azibiza ngesono. Isigwebo sesono ukufa, ngokuba uNkulunkulu walithanda izwe kangaka, waze wanikela ngeNdodana Yakhe ezelwe yodwa ukuba izosifela esiphambanweni igwetshelwe izono zethu. UJesu wase evuka ekufeni wanyukela ezulwini ekhaya lakhe! Uma ukholwelwa kuJesu futhi uma Umcela ukuthi akuthethelele izono zakho, Uzokwenza lokho! Uzoza ezophile ngaphakathi kwakho manje, futhi uzophila Naye kuze kube ingunaphakade.

Uma ukholwa ukuthi iqiniso leli, ithi kuNkulunkulu: Nkosi Jesu, Ngiyakholwa ukuthi wena unguNkulunkulu, futhi wehla ezulwini waba inyama ukuze ufele izono zami, wavuka ekufeni usuyaphila futhi. Ngicela ungene empilweni yami ungithethelele izono zami, ukuze ngizokwazi ukuba nempilo entsha, ukuze ngiyokwazi ukuba Nawe kuze kube phakade. Ngisize ukuba ngilalele Wena futhi ngiphilele Wena njengomntwana Wakho. Ameni.

Funda iBhayibheli futhi khuluma noNkulunkulu nsuku zonke! Johane 3:16

